

S 2551
742

痘科類編卷一

痘症傳變說 二十五

前輩謂痘出自腎而傳肝傳脾傳心傳肺者人皆疑之不知此乃自內傳外之意非謂胎毒獨藏於腎自腎而傳於各經也蓋痘毒在人身蘊於五臟百骸四肢無處不有感時氣而發自骨髓而達乎筋腎主乎骨血氣壯盛毒盡送出於筋而不少留於骨髓則腎經之毒解自筋達於肌肉肝主乎筋氣血充足毒盡送出於肌肉而不少留於筋則肝經之毒解自肌肉而達於血脈脾主肌肉氣血充足毒盡送出於血脈而不少留於肌肉則脾經之毒解自血脈

而達皮毛心主乎血脈氣血充足毒盡送出於皮毛而不少留於血脈則心經之毒解自皮毛而達於瘡窠肺主乎皮毛血氣充足毒盡送出於瘡窠而不少留於皮毛則肺經之毒解五臟毒解血化爲膿毒從膿化將結痂痂落而成功矣若出於筋而少留於骨髓則渾身壯熱口乾悶亂出於肌肉而少留於筋則搐搦牽掣紫黑潮熱出於血脈而少留於肌肉則發癰而在四肢出於皮毛而少留於血脈則痘不圓肥出於瘡窠而少留於皮毛則痂落遲而多麻痺此自腎經遞傳而至於肺之說也當隨經察症隨症

用藥始不悞矣

補遺

古人陳氏云痘以太陰脾肺二經爲主肺宜溫而脾宜燥
萬氏云痘瘡始終以脾胃爲主胃當養而脾當補馬氏云
痘以少陰心經爲主火不可太清而血不可太寒三說雖
不一其實皆是也蓋脾爲孤臟能灌四傍則四臟咸賴一
臟以養之况脾屬土而主肌肉若能化水穀成津液灌溉
諸經令肌肉不枯氣血得其助痘何難成功但寒土不能
生物必陽氣薰蒸於下而後能發育也如萬物之根在土

而冬月何不生乎以真陽之氣息也可見脾受水穀化生
津液亦必藉其火始能成腐化之功所以謂火能生土火
乃土之母也然心爲君火能役相火又主乎血脈若心火
不息血不寒凝自能與脾之津液相爲流通痘自紅潤而
鮮艷所以謂血主濡之氣主煦之氣無血不走血無氣不
行氣乃血之帥也氣行血亦行然肺統一身之氣又主乎
皮毛若肺氣充盈自能與心之血脈相爲週運痘自尖圓
而肥潤是血氣充足交會於前脾主津液助養於後痘之
成功三臟缺一不可至於腎經古人謂惟腎症爲惡候誠

是也痘瘡自內達外腎乃最深之處若有留毒而不外傳者則死於出見之日矣救何能及也若肝經則無成痘之功何也肝者火之母若心火不足邪火猖熾肝邪移於脾則木克土木反勝金肝火克肺所以古人謂肝經有瀉而無補也蓋有瀉而無補者是不補其氣也若痘後目病血虛而火盛者清之後則當補矣此一段論與上論宜合會叅看上是言痘之傳變此是言痘之成功後學不可不知

此處有十條垂直的欄位，但內容極其模糊，幾乎不可辨識。依稀可見一些零散的字跡，如「本」、「火」、「山」、「水」等，但無法構成完整的文句。

出脹各經見症與傳變成形色不同之辨與上看

痘法條叅看 二十六

痘雖自內達外而布四體其根實由於五臟如肝主淚而爲水泡肺主涕而作膿囊心則癍而且赤脾則疹而又黃腎乃封藏之本變則黑陷之象此論發熱時出見形證若初出小小顆粒一點血也血化爲水水化爲膿膿成而毒解此自然之理也與隨臟見症如肝主淚而爲水泡

云云

者不同若初出之時半是水泡或纔起發便有帶漿者或未成膿卽有乾收者火性燥急失其自然之序矣遇此等

症候不可忽也有性命之關矣

欽定四庫全書

二十六

就人以斷痘之輕重說 二十七

以痘毒之淺深論輕重以痘症之虛實寒熱定治法此其常也若人形體壯健精神快爽言笑不苟出痘時又安靜如常痘雖重亦可以輕斷之如人頭大而項小足小而身重喜笑出於無因精神短少出痘時大異平常且不安靜痘雖輕亦可以重斷之此驗過者治痘者不可不知

就人以定痘之治法說 二十八

看痘施治當先看其人其人或貧賤家兒或富貴家兒兒之稟賦厚薄肌膚老嫩氣血虛實聲音清濁生於某處地方所受之燥濕所食之濃淡先知其人而後看其痘如貧賤家多歷辛勤風寒水濕之苦更無厚味傷脾有症便能抵當古人所謂百煉成剛此類是也富貴家煖衣厚味少見風日脾胃薄弱不耐勞苦風霜古人所謂陰草怕旭日此類是也富貴居處衣食所養成之兒卽就富貴以調理之貧賤居處衣食所養成之兒卽就貧賤以調理之語云

貴賤分二等貧富不同治此之謂也至於兒之稟賦厚者多宜攻薄者多宜補肌肉老者宜多開發嫩者宜多溫養聲音清者當守濁者當清氣血弱者當補元氣實者當解痘毒南方風氣柔弱地濕窪下飲食多嫩軟以此養成之形體自當依此調理調理自不可同於北方也北方風氣剛勁地高風燥飲食多強硬以此養成之形體自當依此以調理調理自不可同於南方也有平日穀食多肉食少養成之氣血形體者生痘自當禁忌羊肉猪肉牛肉雞肉魚腥等物以此等物能動風助火也所以謂禁忌則重者

變輕不能禁忌則輕者變重倘平日穀食少肉食多如羊
猪牛雞魚腥等肉養成之氣血形體者則脾胃亦是此等
之物以養成矣生痘始終以脾胃爲主藉脾胃飲食之滋
潤以成功若竟禁其平日所食之物是絕其脾胃生生之
氣痘何所藉以成功乎是又不可以常法拘者治痘者不
可不知

不賦

成其何似微以如此乎最又不可以其若此

難以如此者最難其平日微其其難其難

其所以如此矣宜其故其其難其難其難

其所以如此矣宜其故其其難其難其難

其所以如此矣宜其故其其難其難其難

三等五要說 二十九

痘有三等順險逆順者血氣充和痘毒宣暢不必施治險者氣血不舒痘毒壅遏或雜症攪擾當急急施治逆者痘毒凝結氣血不活治之無功有五要一要出欲盡二要起發透三要膿稠滿四要收靨齊五要結痂厚五者缺一不能成功非要乎

請如以非變乎

變與三變則厥滿四變外則濟五變餘則乳正者則一

在變餘尿血不部部之無心首正變一變出心

者尿血不於款法聖恩友辨到辨到當款款

三變則劍或則各血尿尿麻款法官則不

三變五變篇二十此